



YOSHLAR ORASIDA HUQUQBUZARLIK VA JINOYATCHILIKNING OLDINI OLISH BO'YICHA HUQUQBUZARLIKLER PROFILAKTIKASI CHORA- TADBIRLARINING O'ZIGA XOS XUSUSIYATLARI

Adashov Hojiboy Xusan o'g'li
O'zbekiston Respublikasi Jamoat xavfsizligi
universiteti magistranti

Annotatsiya: maqolada yoshlar o'rtasida huquqbazarliklar profilaktikasining o'ziga xos xususiyatlari, ular tomonidan sodir etiladigan huquqbazarliklar sabablari va imkon beradigan shart-sharoitlari, huquqbazarlik sodir etgan yoshlarning tasnifi va ularning toifalari hamda ushbu turdag'i yoshlar o'rtasidagi huquqbazarliklarning oldini olish borasida amalga oshirilishi lozim bo'lgan chora-tadbirlar yoritib berilgan.

Kalit so'zlar: yoshlar, huquqbazarlik, yoshlar o'rtasidagi huquqbazarliklar profilaktikasining chora-tadbirlar, yoshlar toifalari.

Yoshlar o'rtasida huquqbazarliklar profilaktikasi ushbu huquqbazarliklarga qarshi kurashish borasidagi eng muhim, samarali va insonparvar yo'naliishlardan biri hisoblanadi. Biz o'tkazgan tadqiqot natijalari shuni ko'rsatdiki, yoshlar o'rtasida huquqbazarliklar profilaktikasi subyektlarining yoshlarda qonunga hurmat va qonun buzilishining har qanday ko'rinishiga murosasizlik munosabatini shakllantirish, yoshlar o'rtasida huquqbazarliklarning barvaqt oldini olish, ushbu huquqbazarliklarning sodir etilishi sabablarini va ularga imkon berayotgan shart-sharoitlarni aniqlash, o'rganish, bartaraf etish (zararsizlantirish), huquqbazarlik sodir etishga moyil bo'lgan yoshlarni tarbiyalash, yoshlarning huquqbazarlikdan jabrlanuvchiga aylanishi xavfini kamaytirishga yo'naltirilgan profilaktik ta'sir ko'rsatish chora-tadbirlarini amalga oshirish faoliyatini ekanligini tasdiqlaydi.

O'zbekiston Respublikasining 2014-yil 14-maydag'i "Huquqbazarliklar profilaktikasi to'g'risida"gi qonuniga muvofiq, huquqbazarliklar profilaktikasining turlari quyidagilardan iborat: huquqbazarliklarning umumiy profilaktikasi, huquqbazarliklarning maxsus profilaktikasi, huquqbazarliklarning yakka tartibdag'i profilaktikasi, huquqbazarliklarning viktimologik profilaktikasi (6-modda).

Ilmiy-nazariy adabiyotlarda 124 ham huquqbazarliklar profilaktikasining turlari bo'yicha ushbu yondashuv qo'llab-quvvatlangan.



Ayrim tadqiqotchilar nisbatan shunga yaqin qarashlarni ilgari surgan. Jumladan, Sh.A.Ganiyevning ta'kidlashicha, axloqiy huquqbazarliklar profilaktikasi quyidagicha:

- 1) umumiyl profilaktika;
- 2) maxsus profilaktika;
- 3) individual profilaktika.

Shu o'rinda huquqbazarliklar profilaktikasi obyektlarining mazmun-mohiyatiga qisqacha to'xtalib o'tamiz. "Profilaktik ta'sir ko'rsatish chora-tadbirlari yo'naltirilgan salbiy hodisa va jarayonlar hamda shaxslar huquqbazarliklar profilaktikasining obyektlari hisoblanadi. Huquqbazarliklar profilaktikasi obyektlari:

a) profilaktik ta'sir ko'rsatish chora-tadbirlari yo'naltirilgan salbiy hodisa va jarayonlarga ko'ra:

a) g'ayriijtimoiy xulq-atvor, huquqbazarlik, huquqbazarliklarning sodir etilishi sabablari va ularga imkon berayotgan shart-sharoitlarga;

b) profilaktik ta'sir ko'rsatish chora-tadbirlari yo'naltirilgan shaxslar doirasiga ko'ra: fuqarolar, g'ayriijtimoiy xulq-atvorli shaxslar, huquqbazarlik sodir etgan, shu jumladan, ilgari sudlangan va ozodlikdan mahrum etish joylaridan ozod qilingan shaxslar, huquqbazarliklar sodir etishga moyil bo'lgan shaxslar, huquqbazarlikdan jabrlanuvchilar, huquqbazarlikdan jabrlanish ehtimoli holatida bo'lgan shaxslarga tasniflanadi".

Tadqiq qilinayotgan masalalar nuqtayi nazaridan keltirilgan fikrlarni umumlashtirib, shunday xulosaga kelish mumkin:

1) yoshlar o'rtasida huquqbazarliklar profilaktikasi quyidagi mezon asosida turlarga ajratiladi: "profilaktik ta'sir ko'rsatish obyektlarining xususiyati bo'yicha";

2) profilaktik ta'sir ko'rsatish obyektlarining xususiyati bo'yicha yoshlar o'rtasida huquqbazarliklar profilaktikasi kriminologik va viktimologik profilaktikaga ajratiladi.

Milliy qonunchilikda yoshlar o'rtasida huquqbazarliklar kriminologik profilaktikasi tushunchasining mazmun-mohiyatini yoritishga xizmat qiluvchi qator ta'riflar keltirilgan. Jumladan, O'zbekiston Respublikasining "Voyaga yetmaganlar o'rtasida nazoratsizlik va huquqbazarliklarning profilaktikasi to'g'risida"gi 2010-yil 29-sentabrdagi qonuniga muvofiq, voyaga yetmaganlar o'rtasida nazoratsizlik va huquqbazarliklarning



profilaktikasi – voyaga yetmaganlarning nazoratsizligi, qarovsizligiga, ular tomonidan huquqbazarliklar yoki boshqa g‘ayriijtimoiy xatti-harakatlar sodir etilishiga imkon beradigan sabablar va shart-sharoitlarni aniqlash hamda bartaraf etishga qaratilgan, yakka tartibdagi profilaktika ishi bilan birgalikda amalga oshiriladigan ijtimoiy, huquqiy, tibbiy va boshqa chora-tadbirlar tizimi (3-m.); yakka tartibdagi profilaktika ishi – ijtimoiy jihatdan xavfli ahvolda bo‘lgan voyaga yetmaganlar va oilalarни o‘z vaqtida aniqlash, shuningdek, ularни ijtimoiy-pedagogik reabilitatsiya qilish hamda voyaga yetmaganlarning huquqbazarliklar yoki boshqa g‘ayriijtimoiy xatti-harakatlar sodir etishining oldini olishga doir faoliyatdir (3-modda).

O‘zbekiston Respublikasining 2014-yil 14-maydagи “Huquqbazarliklar profilaktikasi to‘g‘risida”gi qonuniga muvofiq:

- huquqbazarliklar profilaktikasini amalga oshiruvchi va unda ishtirok etuvchi organlar hamda muassasalarning huquqbazarliklarning oldini olish, huquqbazarliklarning sodir etilishi sabablarini va ularga imkon berayotgan shart-sharoitlarni aniqlash, bartaraf etish bo‘yicha faoliyati huquqbazarliklarning umumiyligi profilaktikasidir (22-modda);
- huquqbazarliklar profilaktikasini bevosita amalga oshiruvchi organlar va muassasalarning ayrim turdagи huquqbazarliklar profilaktikasiga, bu turdagи huquqbazarliklarning sodir etilishi sabablarini va ularga imkon berayotgan shart-sharoitlarni bartaraf etishga, ayrim toifadagi shaxslarni aniqlash va ularga profilaktik ta’sir ko‘rsatishga qaratilgan maxsus tadbirlarni ishlab chiqish hamda amalga oshirishga doir faoliyati huquqbazarliklarning maxsus profilaktikasidir. Huquqbazarliklarning maxsus profilaktikasini amalga oshirish uchun quyidagilar asos bo‘ladi: ayrim turdagи huquqbazarliklarning, shaxslar toifalarining ko‘payishi; jamoat xavfsizligi va jamoat tartibiga, shaxs, jamiyat va davlat manfaatlariga tajovuz qiluvchi xatarlar va tahdidlarning yuzaga kelishi (24-modda);

- huquqbazarliklar profilaktikasini bevosita amalga oshiruvchi organlar va muassasalarning g‘ayriijtimoiy xulq-atvorli, huquqbazarliklar sodir etishga moyil bo‘lgan, huquqbazarliklar sodir etgan shaxslarni aniqlash, ularning hisobini yuritish va ularga tarbiyaviy ta’sir ko‘rsatishga doir faoliyati huquqbazarliklarning yakka tartibdagi



profilaktikasidir. Huquqbazarliklarning yakka tartibdagi profilaktikasi shaxsning, uning ijtimoiy muhitining o‘ziga xos xususiyatlari, ijtimoiy-maishiy sharoitlari va turmush tarzi, shaxsning g‘ayriijtimoiy xulq-atvorini, huquqbazarlik sodir etishga moyilligini, shuningdek, sodir etilgan huquqbazarlikning ijtimoiy xavflilik darajasini tavsiflovchi boshqa omillar hisobga olingan holda belgilanadi. Huquqbazarliklarning yakka tartibdagi profilaktikasini qo‘llash uchun shaxsning g‘ayriijtimoiy xulq-atvori to‘g‘risida, uning huquqbazarlik sodir etishga moyilliги yoxud u huquqbazarlik sodir etganligi haqida dalolat beruvchi ishonchli ma’lumotlarning mavjudligi asos bo‘ladi. Huquqbazarliklarning majburlovchi va cheklovchi xususiyatdagi yakka tartibdagi profilaktikasi qonunda nazarda utilgan asoslarda qo‘llaniladi (28-modda).

Ko‘rinib turibdiki, yoshlar o‘rtasida huquqbazarliklar kriminologik profilaktikasi tushunchasining mazmun-mohiyatini ochib berishda milliy qonunchilikda umumiyligi, maxsus va yakka tartibdagi profilaktika tushunchalariga berilgan ta’riflarga tayanish mumkin. Chunki huquqbazarliklar profilaktikasining ushbu turlari doirasida amalga oshiriladigan profilaktik ta’sir ko‘rsatish chora-tadbirlari shaxslar tomonidan huquqbazarlik sodir etilishining oldini olishga qaratiladi.

Foydalanilgan adabiyotlar ro‘yxati:

1. Ismailov I., Abdurasulova Q.R., Fazilov I.Y. Kriminologiya. Umumiyligi qism: IIIV oliy ta’lim muassasalari uchun darslik. – Toshkent: O‘zbekiston Respublikasi IIIV Akademiyasi, 2015. – B. 175.
2. Kriminologiya. Maxsus qism: IIIV oliy ta’lim muassasalari uchun darslik / Mualliflar jamoasi. – Toshkent: O‘zbekiston Respublikasi IIIV Akademiyasi, 2015. – B. 563.
3. Ганиев Ш.А. Ахлоқка қарши ҳуқуқбузарликлар учун маъмурий жавобгарликни такомиллаштириш. Докторлик диссертацияси. – Тошкент, 2016. – Б. 198.
4. Хўжақулов С.Б. Ҳуқуқбузарликлар умумий профилактикасини такомиллаштириш (ички ишлар органлари фаолияти мисолида): Юридик фанлар бўйича фалсафа доктори (PhD) диссертацияси автореферати. – Тошкент, 2018. – Б. 2